

სახელმწიფო შესყიდვების შესახებ

ხელშეკრულება N-

1. მხარეები

მარტი 2023

ერთი მხრივ სსიპ კიბერუსაფრთხოების ბიურო წარმოდგენილი მისი დირექტორის ლუკა მგელაძის სახით (შემდგომში – „შემსყიდველი“) და მეორეს მხრივ ----- (შემდგომში – „მიწოდებელი“) წარმოდგენილი მისი ----- სახით, საქართველოს კანონის „სახელმწიფო შესყიდვების შესახებ“ და ელექტრონული ტენდერის ----- საფუძველზე ვდებთ წინამდებარე ხელშეკრულებას:

2. ხელშეკრულების საგანი

2.1. სსიპ კიბერუსაფრთხოების ბიუროს სარგებლობაში არსებული HPE 3PAR-ის (CZ3752B13X) მონაცემთა სანახი სისტემის მწარმოებლის მხარდაჭერის ვადის გაგრძელების სახელმწიფო სახსრებით შესყიდვა (CPV კოდი : 48600000).

3. ღირებულება და ანგარიშსწორების პირობები

3.1. საქონლის/მხარდაჭერის საერთო ღირებულება შეადგენს ----- ლარს დღგ-ს ჩათვლით (შემდგომში – „ხელშეკრულების ღირებულება“).

3.2 ანგარიშსწორება განხორციელდება მიღება-ჩაბარების აქტის გაფორმებიდან 10 (ათი) სამუშაო დღის ვადაში.

4. მხარეთა უფლება-მოვალეობები

4.1 „მიწოდებელი“ ვალდებულია მწარმოებლის მხარდაჭერის მიწოდება განხორციელოს ხელშეკრულების გაფორმებიდან 30 (ოცდაათი) კალენდარული დღის ვადაში.

4.2 „მიწოდებელი“ ვალდებულია გადასცეს „შემსყიდველს“ სატენდერო დოკუმენტაციით მოთხოვნილი მწარმოებლის მხარდაჭერა.

4.3 „შემსყიდველი“ ვალდებულია ხელშეკრულებით გათვალისწინებული პირობების თანახმად გადაიხადოს მიწოდებული მონაცემთა სანახი სისტემის მწარმოებლის მხარდაჭერის ღირებულება;

4.4 „შემსყიდველი“ ვალდებულია შეატყობინოს „მიწოდებელს“ ინფორმაცია, მიღების ან ექსპლუატაციის დროს საქონლის/მხარდაჭერის გაუმართავი მუშაობის შესახებ.

5. მხარდაჭერის მოქმედების პერიოდი

5.1. შესყიდვის ობიექტის-მონაცემთა სანახი სისტემის მწარმოებლის მხარდაჭერის ვადაა მოწოდებიდან/გააქტიურებიდან ერთი წელი (12 თვე).

5.2 მონაცემთა სანახი სისტემის მწარმოებლის მხარდაჭერის პერიოდში გამოვლენილი ნაკლის აღმოფხვრა მიმწოდებელმა საკუთარი ხარჯებით უნდა უზრუნველყოს შეტყობინების მიღებიდან 30 (ოცდაათი) კალენდარული დღის განმავლობაში.

6. მხარეთა პასუხისმგებლობა

6.1 „მიმწოდებლის“ მიზეზით მონაცემთა სანახი სისტემის მწარმოებლის მხარდაჭერის, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი მხარდაჭერის ღირებულების 0,02%-ის ოდენობით, ყოველ ვადა გადაცილებულ დღეზე, ხარისხიანი მხარდაჭერის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 ამ ხელშეკრულების 6.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს მონაცემთა სანახი სისტემის მწარმოებლის მხარდაჭერის პერიოდის განმავლობაში გამოვლენილ ხარვეზს ამ ხელშეკრულების 5.2 პუნქტით დადგენილ ვადაში.

6.3 „შემსყიდველის“ მიერ ხელშეკრულებით გათვალისწინებული საქონლის/მხარდაჭერის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.02%-ის ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის, მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით, საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

7. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 „შემსყიდველის“ მხრიდან ხელშეკრულების შესრულებაზე კონტროლს განახორციელებს სსიპ - კიბერუსაფრთხოების ბიუროს კიბერუსაფრთხოების ოპერაციების დეპარტამენტის კომპიუტერულ ინციდენტებზე რეაგირების სამმართველოს უფროსი გიორგი მკერვალიშვილი ან/და სსიპ - კიბერუსაფრთხოების ბიუროს კიბერუსაფრთხოების ოპერაციების დეპარტამენტის უფროსი.

7.4 კონტროლი განხორციელდება მიწოდებული საქონლის/მხარდაჭერის ხარისხისა და მიწოდების ვადების შესაბამისობით ხელშეკრულების პირობებთან.

8. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და

რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

9. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება ელექტრონული კომუნიკაციის გზით ხელმძღვანელობაზე ან/და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი).

10. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

12. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შეძლებენ სადავო საკითხებზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

13. შესყიდვის ობიექტის მიღება-ჩაბარების წესი

13.1 მიღება-ჩაბარების აქტი ფორმდება ფაქტიურად მიწოდებული საქონლის/მხარდაჭერის მიხედვით.

13.2 საქონლის/მხარდაჭერის მიწოდებისას „შემსყიდველის“ მიერ წინამდებარე ხელშეკრულების 7.3 პუნქტით განსაზღვრული პირი/პირები ამოწმებს მიწოდებული საქონლის/მხარდაჭერის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის/მხარდაჭერის მიხედვით „შემსყიდველსა“ და „მიმწოდებელს“ შორის.

13.3 საქონელი/მხარდაჭერა მიღებულად ჩაითვლება მხარეთა შორის მიღება - ჩაბარების აქტის გაფორმებისთანავე.

14. ხელშეკრულების მოქმედების ვადები

14.1 ხელშეკრულება ძალაში შედის ელექტრონული შტამპით ან ელექტრონული ხელმოწერის დადასტურებიდან და მოქმედებს 2023 წლის 31 დეკემბრის ჩათვლით, გარდა წინამდებარე ხელშეკრულების 5.1 პუნქტისა, რომელიც განსაზღვრავს მხარდაჭერის მოქმედების პერიოდს.

15. ხელშეკრულების სხვა პირობები

15.1 ხელშეკრულება შედგენილია ქართულ ენაზე, ელექტრონული ფორმით.

16. მხარეთა რეკვიზიტები

„შემსყიდველი“:

„მიმწოდებელი“: